

HO ATOLOSITSWE NAKO YA KHOMISHENARA KIESWETTER

27 Hlakola 2024 - Ditshebeletso tsa Lekgetho tsa Afrika Borwa (SARS) di tiisa hore Mopresidente Cyril Ramaphosa o kopile Khomishenara ya SARS Mong. Edward Kieswetter ho tshwara se maratswana ho feta nako e neng e behilwe pejana, e neng e lokela ho fihla pheletsong ka la 30 Mmesa 2024. Mekga ka bobedi e dumellane hore nako ena ya hae ya ho ba Khomishenara e atoloswe ka dilemo tse pedi.

Qeto ena e entswe ka kutlwisiso ya hore nako ena e atolositsweng e tla neha SARS monyetla o mong wa ho tebisa maikemisetso a yona a mawala mmoho le diphetoho tseo mokgatlo ona esale o qala ka tsona ho tloha ka 2019. Naha kaofela ha yona e ka pakahatsa tema e seng e kgathilwe hore SARS e be maemong a ho ba bolaodi bo tshepahalang ba lekgetho le bolaodi ba meedi ka ho kgatha tema ya bohlokwa ho thusa mmuso ho aha mmuso o nang le bokgoni bakeng sa ntshetsopele ya setjhaba le ikonomi molemong wa Mafrikaborwa ohle. Khomishenara Kieswetter o boletse hore "Maiteko ana a tlameha ho ntlafatswa le ho tswelliswa pele".

Nako ena ya katoloso e boela e fana ka nako e hlokehang ho tswela pele ka botsetedi ba ho ntlafatsa boetapele ba SARS le ho lokisetsa phetiso e ntle ya boetapele ka hara mokgatlo nakong ena ya dilemo tse 2 tse tlang.

Khomishenara Kieswetter o boletse hore "Ke batla ho nnetefaletsa Mafrikaborwa ohle hore ka tshehetso ya lona, SARS e ka se lobe letho mme e tla tswela pele ho netefatsa hore ponelopele ya SARS e bohlale, ya sekwalekwale, le eo botshepehi ba yona bo sa belaelweng le e hlomphehang ke bohle e feela e fihlellwa. SARS e dutse e kgothatswa ke maikemisetso a tobileng diphetoho le a Tshebetso e intshang Sehlabelo bakeng sa Mafrikaborwa ohle".

Ho fumana lesedi le fetang lena, ka kopo ikopanye le SARSMedia@sars.gov.za